



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

10. An pastor teneatur præsentiam suam exhibere peste infectis
amentibus & furiosis contrahere volentibus?

urn:nbn:de:hbz:466:1-41077

QVÆSTIO X.

*An pastor teneatur exhibere præsentiam suam
peste infectis amentibus, & furiosis
contrahere volentibus?*

Quæstionis explicatio.

Consensum ad matrimonium requisitum liberum esse oportere, hoc est, à ratione deliberata profectū, in confesso est apud Doctores. Alias enim non induceret obligationē, quæ est effectus quidam deliberatæ rationis ipsorum contrahentium: Huius occasione quæritur, an peste infectis contrahere volētibus, si in amentiam vel furorem inciderint, pastor teneatur adesse, & suam præsentiam illis exhibere.

Responsio.

Distingendum est, vel enim mente captus & furiosus continuo talis est, vel habet lucida interualla, quibus de rebus & statu deliberare & disponere solet. Si primum non tenetur, imo nec potest ad adesse sine iniuria sacramenti, cum consensum liberū præsupponat tanquam fundamentum, ut iam diximus. Si secundum potest & tenetur tempore dilucidorum eiusmodi interuallorum adesse, alioquin iniuriam faciet ipsis contrahere volentibus
negando

negando illis sacramentum, præsertim quando illis ad salutem necessarium est, vt frequenter in articulo mortis vsuuenit.

Dices: Quid si amens & furiosus tempore sanæ mentis habuerunt voluntatem contrahendi matrimonium, eamque tempore amentia exequi velint, poteritne vel etiam debet pastor huiusmodi contrahere volentibus tuam præsentiam exhibere? & videtur quod sic, quia baptismus eo casu collatus validus esset propter voluntatem præcedentem: Confirmatur, quia in illis non deficit deliberatio requisita ad peccatum mortale, & homicidium in amentia commissum, si tempore quo sui compotes erant præuisum & præmolitum fuit, culpa est lethalis, ergo?

Respondeo: Nihilominus non sufficere eam voluntatem: nec esse simile de baptismo: Nam in matrimonio ipsi contrahentes sunt ministri, vt ante obiter diximus, & actus ministrorum necessario debent esse humani: sicut si aliquis sui compos audiisset confessionem & factus insanus absolueret, nulla esset absolutio, & similiter si tunc baptisaret, quamuis antea id in animo habuisset, irritus & nullus esset baptismus: Neque obstat, mala præuisa extra amentiam imputari ad culpam si tempore

Li pore

*a Diony. c. 4.
de diuin. no-
minib.*

pore amentia perpetrentur, (a) quia bonum ex integra causa, malum autem ex singulis defectibus spectatur. Quocirca matrimonium cum bonum quoddam sit, exigit plenam libertatem; at peccatum cum malum sit, satis est in sua causa esse volitum.

QVÆSTIO XI.

An etiam illis, qui secundo contrahere volunt, eo quod primum matrimonium fuerit nullum ob occultum impedimentum?

Quæstionis explicatio.

CAsus est talis; Concubinarius nuper contraxit matrimonium coram parochio & testibus cum sua concubina, cuius sororem antea cognouerat, modo peste correptus ut suæ salutis consulat, obtinet secreto dispensationem, vultque iterum matrimonium contrahere. Queritur, an pastor teneatur iteratæ matrimonii celebrationi suam præsentiam exhibere?

Responsio.

NOn tenetur exhibere, sed sufficit ut contrahentes inter se ipsos renouent consensus hætenus coram parochio & testibus præstitos, quia causa finalis Concilii Tridentini statuentis, ut matrimonium coram parochio